



12. august 2010

UKA 2010/75

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiupparput:

Suiaassuseqatiminnik atoqateqartartut allatulli meeravissiarthaarsinnaalernissaat siunertaralugu appariittut nalunaarsorneqartarneq pillugu inatsisip allannortinnissaanik sulissuteqaqqullugit, Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortat Naaja Nathanielsen, Inuit Ataqatigiit aamma Justus Hansen, Demokraatit)

Tunngavilersuut

Suiaassuseqatigiillutik appariittut ullumikkut meeravissiarthaarsinnaanngillat. Anordning nr. 375 –p allanguutaa inatsip appariittut nalunaarsorneqartarneq il.il. pillugu Kalaallit Nunaanni ulloq 15 maj 2009-mi atuutilersumi malittarisassat naapertorlugit manna atuuppoq:

”§ 4. Kalaallit Nunaanni appariit meeravissiarthaarsinnaanerat pillugu inatsimmi malittarisassat atuutinnngillat appariittut nalunaarsorneqarsimasut pineqartillugit. Taamaakkaluartorli appariittut nalunaarsorneqarsimasup aappaata apparmi meerai meeravissiarthaarsinnaavai.

Isumaqarpugut tamanna naapertuuttuliornerunngitsoq. Suiaassuseqatigiillutik appariittut meerarsiarthaarsinnaanermut piumasaqaataasut naammassisinnaappatigit suiaassuseqatigiinngisaminnik appalittulli meeravissiarthaarsinnaatitaasariaqarput. Meerarpaasuaqarpoq akornatsinni toqqissisimallutik peroriartornissaminnut pisariaqartitsisunik aamma isumaqarpugut anguteqatiminnik arnaqatiminilluunniit atoqateqartartut suiaaqatiginngisaminnik appaqartutulli angajoqqaajunissaminnut piginnaaneqartuusut. Tamanna kiisalu pingaartitagut tunngavigalugit siunnersuutingaarput inatsisip allannortinnissaa, kikkulluunniit meeravissiarthaarsinnaalersillugit qanoq itumik atoqateqartarneq apeqqutaatinnagu.

Danskit folketingiata 2010-mi upernaakkut siunnersuut akueraat, suiaassuseqatiminnik atoqateqartartut meeravissiarthaarsinnaalersillugit. Tamanna pissutissaalluarput nunami maani aamma assignanik iliuuseqarnissatsinnut.

Taamatut oqaaseqarluta Naalakkersuisut akissutissaannut kiisalu partiit allat oqaaseqaatissaannut qilanaarpugut.